



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 24. Pravilnika o godišnjim finansijskim izvještajima političkih stranaka (“Službeni glasnik BiH” broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU HRVATSKE DEMOKRATSKE ZAJEDNICE 1990

Broj: 03-07-6-471/12  
Sarajevo, 16. maj 2013. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE REVIZIJE.....	6
5.1. NALAZI REVIZIJE.....	6
5.2. PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske demokratske zajednice 1990 za 2011. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama tada važećeg Zakona o finansiranju političkih stranaka ("Službeni glasnik BiH" broj: 22/00, 102/09 i 54/10)<sup>1</sup> - u daljem tekstu Zakon o finansiranju, i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Na osnovu obavljenog pregleda godišnjeg finansijskog izvještaja za 2011. godinu, utvrđeno je da Hrvatska demokratska zajednica 1990, nakon što je dobrovoljno otklonila nedostatke u izvještaju, nije ispoštovala odredbe člana 11. stav (1) Zakona o finansiranju.**

**Pregledom, odnosno kontrolom finansijskog izvještaja, osim gornje napomene, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju.**

---

<sup>1</sup> Dana 05.12.2012. godine stupio je na snagu novi Zakon o finansiranju političkih stranaka ("Službeni glasnik BiH" broj 95/12)

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske demokratske zajednice 1990 za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka ("Službeni glasnik BiH" broj: 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH" broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska demokratska zajednica 1990 ostvarila je ukupan prihod u iznosu od 576.041,83 KM<sup>2</sup>, što je prikazano u narednoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	1.827,42	0,32 %
2	Prilozi fizičkih lica	27.767,00	4,82 %
3	Prilozi pravnih lica	0,00	0,00 %
4	Prihodi od imovine	77,60	0,01 %
5	Prihodi od pr.lica	0,00	0,00 %
6	Prihodi od poklona	11.680,00	2,03 %
7	Prihodi iz budžeta	521.071,88	90,46 %
8	Ostali prihodi	13.617,93	2,36 %
	<b>Ukupni prihodi:</b>	<b>576.041,83</b>	<b>100,00 %</b>

U godišnjem finansijskom izvještaju ova politička stranka je iskazala ukupne rashode u iznosu od 459.500,03 KM<sup>3</sup>.

## 2. PREDSTAVLJANJE POLITIČKE STRANKE

Naziv političke stranke je Hrvatska demokratska zajednica 1990. Skraćeni naziv stranke je HDZ 1990 i HDZ' 90.

Politička stranka je u sudski registar Kantonalnog suda u Mostaru, upisana 13.04.2006. godine, pod brojem: 007-0-R-06-000031.

Sjedište političke stranke je u Mostaru, Nikole Šubića Zrinskog 12/II.

Lice ovlašteno za zastupanje stranke je Božo Ljubić, predsjednik stranke.

Lice ovlašteno za podnošenje finansijskih izvještaja za 2011. godinu je Ivica Drmač.

<sup>2</sup> Podaci su preuzeti iz korigovanog godišnjeg finansijskog izvještaja za 2011. godinu, u kome je Hrvatska demokratska zajednica 1990, u skladu sa odredbom člana 14. stav (3) Zakona o finansiranju političkih stranaka stranaka ("Službeni glasnik BiH" broj 95/12) dobrovoljno otklonila nedostatke koji su otklonjivi, a navedeni su u Preliminarnom izvještaju o pregledu godišnjeg finansijskog izvještaja za 2011. godinu.

Korigovane obrasce finansijskog izvještaja politička stranka je Centralnoj izbornoj komisiji BiH dostavila 23.04.2013. godine.

<sup>3</sup> Podaci su preuzeti iz korigovanog godišnjeg finansijskog izvještaja, dostavljenog Centralnoj izbornoj komisiji BiH 23.04.2013. godine

Prema podacima iz godišnjeg finansijskog izvještaja za 2011. godinu, organizacionu strukturu Hrvatske demokratske zajednice 1990 čine:

- Središnji odbor HDZ 1990 Mostar,
- 6 kantonalnih/županijskih odbora,
- Organizacioni dio HDZ 1990 u Brčko distriktu BiH,
- 2 gradska odbora i
- 32 općinska odbora.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Hrvatske demokratske zajednice 1990 za 2011. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama tada važećeg Zakona o finansiranju političkih stranaka („Službeni glasnik BiH“ broj: 22/00, 102/09 i 54/10)<sup>4</sup> - u daljem tekstu Zakon o finansiranju. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju.

**Obim pregleda i kontrole** finansijskih izvještaja Hrvatske demokratske zajednice 1990 obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih lica, prihode od darova i prihode iz budžeta.

### **4. PRETHODNE KONTROLE I REVIZIJE**

Služba za reviziju finansiranja političkih stranaka je obavila reviziju i pregled finansijskih izvještaja Hrvatske demokratske zajednice 1990 u periodu od 2006. do 2010. godinu, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama političkoj stranci.

Nakon izvršene revizije godišnjeg finansijskog izvještaja za 2010. godinu, izdat je izvještaj o reviziji sa nalazima revizije i preporukom revizora da stranka treba da postupa u skladu sa odredbama člana 11. stav (1) Zakona o finansiranju političkih stranaka, odnosno da uspostavi potpune i blagovremene evidencije o prihodima i rashodima svih organizacionih dijelova stranke, da svoje poslovanje i finansijsko izvještavanje uskladi sa računovodstvenim, poreznim i drugim finansijskim propisima, te da uspostavi internu kontrolu i sistem nadzora nad poslovanjem nižih organizacionim dijelova stranke.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2011. godinu, utvrđeno je da Hrvatska demokratska zajednica 1990 nije ispoštovala date preporuke.

---

<sup>4</sup> Zakon o finansiranju političkih stranaka („Službeni glasnik BiH“ broj: 22/00, 102/09 i 54/10 je bio na snazi do 04.12.2012. godine

## 5. NALAZI I PREPORUKE REVIZIJE

### 5.1. NALAZI REVIZIJE

#### **Hrvatska demokratska zajednica 1990 nije ispoštovala odredbe člana 11. stav (1) Zakona o finansiranju<sup>5</sup>.**

Na osnovu finansijskog izvještaja i finansijske dokumentacije koju je na zahtjev Centralne izborne komisije Bosne i Hercegovine dostavila politička stranka, utvrđeno je da ista nije uspostavila potpune evidencije o svojim prihodima i rashodima, čime je prekršila odredbe člana 11. stav (1) Zakona o finansiranju.

(1) U poslovnim knjigama stranka nije iskazala prihod koji je u 2011. godini ostvarila iz budžeta Općine Ravno.

Uvidom u akte, broj: 01-71/12 od 10.03.2012. godine i broj: 01-85/12 od 20.08.2012. godine koje je na zahtjev Centralne izborne komisije BiH dostavila Općina Ravno, utvrđeno je da je ova Općina Hrvatskoj demokratskoj zajednici 1990 isplatila sredstva u iznosu od 2.000,00 KM. Sredstva su, putem općinske blagajne, isplaćena 10.01.2011. godine Općinskom odboru HDZ 1990 Ravno.

(2) Hrvatska demokratska zajednica 1990 nije obračunala, niti platila, a također u poslovnim knjigama nije iskazala obavezu po osnovu poreza i doprinosa, na isplate plaća i naknada fizičkim licima u ukupnom iznosu od 12.000,00 KM, a koje imaju karakter ličnih primanja i iste su oprezive u skladu sa poreznim propisima<sup>6</sup>.

- Uvidom u izvode sa transakcijskog računa Općinskog odbora HDZ 1990 Grude, utvrđeno je dvanaest mjesečnih isplata fizičkom licu u iznosima po 500,00 KM, sa naznakom, isplata plaće. Stranka na isplaćene plaće u ukupnom iznosu od 6.000,00 KM, suprotno poreznim propisima, nije obračunala, niti platila pripadajuće doprinose i poreze, u poslovnim knjigama nije iskazala trošak, niti neizmirene obaveze po tom osnovu.

- Općinski odbor HDZ 1990 Vitez je isplatio sredstva fizičkom licu u iznosu od 6.000,00 KM, u mjesečnim iznosima po 500,00 KM, pozivajući se na odluku stranke. Po osnovu pomenutih sredstva, koja je stranka u finansijskom izvještaju iskazala kao ostale naknade za rad, iako imaju karakter ličnih primanja, u poslovnim knjigama nisu evidentirani trošak i obaveza za porez i doprinose.

(3) U poslovnim knjigama stranka nije uspostavila evidenciju o nenovčanoj donaciji u iznosu od 2.400,00 KM, koju je ostvarila neplaćanjem zakupnine za poslovni prostor, niti je uspostavila evidenciju od troškovima zakupnine za poslovne prostore, u iznosu od 4.260,00 KM, koje su koristili njeni organizacioni dijelovi u Orašju i Zenici, iako ima zaključene ugovore o najmu.

- Hrvatska demokratska zajednica 1990 u poslovnim knjigama nije evidentirala donaciju u iznosu od 2.400,00 KM, koju je ostvario organizacioni dio stranke u Orašju. Općinski

---

<sup>5</sup> U skladu sa odredbom člana 11. stav (1) Zakona o finansiranju, političke stranke su obavezne da vode evidencije o svojim prihodima i rashodima.

<sup>6</sup> Zakon o porezu na dohodak ("Službene novine Federacije BiH", br. 10/08, 9/10 i 44/11) i Pravilnik o primjeni Zakona o porezu na dohodak ("Službene novine Federacije BiH", broj: 67/08, 4/10, 86/10, 10/11, 53/11 i 20/2012)

odbor HDZ 1990 Orašje je 01.01.2011. godine sa pravnim licem „Megakop“ d.o.o. Orašje zaključio ugovor o najmu poslovnog prostora, površine 40 m<sup>2</sup>. Poslovni prostor je političkoj stranci ustupljen bez naknade, ali sa naznakom da bi mjesečna najmnina poslovnog prostora kad bi se plaćala iznosila 200,00 KM.

- Politička stranka nije evidentirala trošak zakupa poslovnog prostora, koji je koristio Općinski odbor HDZ 1990 Orašje, a koji prema odredbama ugovora o najmu iznosi 2.400,00 KM.
- U poslovnim knjigama, stranka nije evidentirala troškove zakupnine u iznosu od 1.860,00 KM za poslovni prostor u vlasništvu HKD Napredak Sarajevo, koji je u 2011. godini koristio Općinski odbor HDZ 1990 Zenica.  
Prema odredbama ugovora, koji je politička stranka dostavila tokom revizije finansijskog izvještaja za 2010. godinu, te ugovora o zakupu poslovnog prostora zaključenog dana 05.01.2012. godine, cijena prostora površine 15,50 m<sup>2</sup> u Napretkovom Hrvatskom domu "Kralj Tomislav" iznosi 10,00 KM/m<sup>2</sup>.

## 5.2. PREPORUKE

*Preporučuje se Hrvatskoj demokratskoj zajednici 1990 da se pridržava odredaba Zakona o finansiranju, a posebno na osnovu uočenih nedostataka se preporučuje:*

- *da u skladu sa odredbama Zakona o finansiranju uspostavi potpune evidencije o svojim prihodima i rashodima,*
- *da uspostavi internu kontrolu i sistem nadzora nad poslovanjem nižih organizacionim dijelova stranke i*
- *da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba blagovremeno izmirivati i evidentirati u poslovnim knjigama.*

## KOMENTAR:

Hrvatska demokratska zajednica 1990 se u datom roku očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2011. godinu.

Stranka je u skladu sa odredbom iz člana 14. stav (3) Zakona o finansiranju političkih stranaka ("Službeni glasnik BiH" broj 95/12) dobrovoljno otklonila nedostatke u finansijskom izvještaju koje je bilo moguće otkloniti, odnosno u finansijski izvještaj je unijela prihode i rashode koje su prethodno bili propušteni, te dostavila korigovane obrasce finansijskog izvještaja.

Služba za reviziju je uvažila dobrovoljne ispravke finansijskog izvještaja, te korigovala nalaze revizije iz preliminarnog revizijskog izvještaja, koji se odnose na kršenje odredba člana 11. stav (3) Zakona o finansiranju političkih stranaka.

Također, ističemo da je Hrvatska demokratska zajednica 1990 obračunala porezne obaveze za svoja dva organizaciona dijela, za koje je pregledom finansijskog izvještaja za 2011. godinu utvrđeno da nisu obračunali, niti izvršili uplate poreza na dohodak i doprinosa na isplate fizičkim osobama. Porezne obaveze u iznosu od 2.231,36 KM, stranka je unijela u korigovani finansijski izvještaj, a niže organizacione dijelove je obavijestila da izvrše uplatu i po tom rashode evidentiraju u tekućoj godini.

Mr. sc. Hasida Gušić, šef Službe za reviziju - revizor